

Script of Morning Gojri News Bulletin 06 September 2026 at 1015Hrs

مارننگ گو جری نیوز بلیٹن مورخہ 06 ستمبر 2026

یوہ آکا شوانی جموں ہے عبدالمجیدتیں خبر سنو۔

PM –Army

وزیر اعظم نریندر مو دی نے کہیو ہے جے جہیڑا لوک کدیں دہشت گردی پھیلاویں تہا ،
اُنہاں نانہہ خاموش کر دتو گیو ہے تے جے گر پاکستان نے کوئی غلطی کی تاں بھارتی
فوج اُس غی سرزمین ور جوابی حملو کرے گی۔ دہلی یونیورسٹی غا شری رام کالج آف
کامرس غو 100 سالہ تقریبات مانہہ گذشتہ روز خطاب کرتاں واں وزیر اعظم نے کہیو
جے ہون جموں کشمیر تیں لے غے شمال مشرق تک امن قائم ہے ، نکسل واد نانہہ ختم
کر دتو گیو ہے ، تے ملک نے امن سلامتی غا سلسلہ مانہہ در پیش مسائل نال نمڑن مانہہ
اپنی طاقت تے عزم غو مظاہرہ کیو ہے ۔

IFFJK Prep

جموں کشمیر غا پہلا بین القوامی فلم فیسٹول غی میزبانی گا سلسلہ مانہہ جموں کشمیر
مانہہ تمام ترتیا ریں کر لی گئی ہیں۔ یوہ فلم فیسٹول سرینگر، جموں تے گلبرگ مانہہ
منعقد وے گو تے پہلکیں شروع ہو غے 10 ستمبر نانہہ ختم ہو جائے گو ۔ جموں مانہہ
اس غی تقریب 8 تے 9 ستمبر نانہہ منعقد ویں گی۔ تمام متعلقہ محکمہ اس تقریب نانہہ
خوش اسلوبی تے کامیاب طریقہ نال منعقد کرن نانہہ یقینی بنان واسطے کم کر رہیا ہیں ۔
اس تقریب مانہہ 41 ملکاں غی فلماں غی نمائش کی جائے گی تے ان غا بین القوامی
کردار نانہہ ایجاگر کیو جائے گو ۔ اس سلسلہ مانہہ بکھ بکھ سرگرمیاں واسطے انتظام کیا
جا رہیا ہیں ۔ جگہ غو انتظام ، حفاظت، گڈیاں غی آنو جائی غو بندوبست تے فریقین بشکا
ر تال میل ور خصوصی توجہ دتی جا رہی ہے ۔ محکمہ تے فلم سازاں، مزماناں تے اس
مانہہ شرکت کرن آلاں واسطے جموں کشمیر غی سیاحت جموں کشمیر غی سیاحت، دستکا
ری تے ثقافتی ورثہ غی نمائش کرن آلو متعلقہ مواد وی تیار کیو وو ہے ۔

CM Advisor Delegations

وزیر اعلیٰ غا صلاح کار ناصر اسلم وانی نے کل سرینگر مانہہ چیف منسٹر پبلک سروس
اینڈ آٹو ریج آفس رابطہ مانہہ کئی وفود تے شہریاں نال ملاقات کی۔ ملاقات کرن آلاں مانہہ
مقامی لوک، ملازماں غی تنظیماں غا رہنما تے انفرادی طور ور افراد شامل تہا ۔ ان لوکاں
نے ترقی ، میڈیا، اراضی تے ریکارڈ، روزگار تے خدمات غا معاملات غے متعلق مسئلہ
باندے رکھیا۔ مشیر موصوف نے ان مسائل نانہہ متعلقہ حکام تک پچا غے اُن غا فوری
حل غی ہدایت جاری کیں۔ صلاح کار نے کہیو جے سرکار عوام غا تمام جائز مسئلاں
نانہہ حل کرن غی وعدہ بند ہے ۔

Dy CM Delegations

جموں کشمیر سرکار عوامی خدشات نانہ دور کرن تے نوجواناں واسطے ہنر مندی غا موقعاں نانہ مضبوط بنان ور توجہ دے رہی ہے۔ نائب وزیر اعلیٰ سریندر چودھری نے گذشتہ روز جموں کشمیر نیشنل کانفرنس صدر دفتر گاندھی نگر جموں مانہ بہت سارا وفود تے انفرادی طور ور شہریاں نال ملاقات کر غے اُن غا مسئلہ تے پریشانی سنیں۔ نائب وزیر اعلیٰ نے گورنمنٹ آئی ٹی آئی سورج نگر جموں مانہ جاری کماں غو وی جائزو لیو تے اُت غا اساتذہ تے طالب علماں نال گل بات کی۔ اُنہاں نے جموں کشمیر غا نوجواناں غا روشن مستقبل واسطے ہنر، ہنر نانہ اگے بدھان تے بہتر موقع پیدا کرن مانہ اساتذہ غا کردار نانہ اُجاگر کیو۔

JJAct- Consultation

جموں کشمیر تے لداخ ہائی کورٹ غو جو بینائیل جسٹس کمیٹی نے یونیسف انڈیا غا تعاون نال جموں کشمیر جوڈیشیل اکیڈمی سرینگر مانہ جووینائیل جسٹس (بچاں غی دیکھ بھال تے تحفظ) ایکٹ 2015 "دس بہراں غا نفاذ تے اگے غو رستو" عنوان ور اک روزہ سالانہ مشاورت غو اہتمام کیو۔ مشاورت مانہ جووینائیل جسٹس ایکٹ غا نفاذ غی اک دبائی غو جائزو لیو تے بچاں غی دیکھ بھال تے تحفظ غا نظام نانہ مضبوط بنان واسطے ترجیحات غی نشاندہی کی۔ چنیر پرسن جووینائیل جسٹس کمیٹی جسٹس سندھو شرما نے اپنا صدارتی خطاب مانہ اس گل ور زور دتو جے قانون غی نظر مانہ سب تیں پہلاں سب تیں اہم اک بچو ہی رہے تے نابالغ واسطے انصاف غا نظام غی جڑ انصاف ور قائم رہیں۔

Heavy Rain

اج سویرے جموں مانہ تیز بارش ہوئی جس غی وجہ نال درجہ حرارت مانہ قدرے کمی آئی تے گرمی تیں راحت محسوس کی جا رہی ہے۔ اس دوران کچھ جگہیں عام زندگی متاثر ہوئی۔ گلمرگ تے سونہ مرگ سمیت کشمیر غا اوچا علاقہ مانہ کل پہلی وری اس موقعم غی برفباری ہوئی ہے۔ برفباری نال اوچا علاقہ غی خوبصورتی بور بدھ گئی ہے۔ بالائی علاقہ مانہ رُک رُک غے بارش تے برفباری غے نال موسمی حالات بدلتاں رہن غو امکان ہے۔ محکمہ موسمیات نے خطرہ آلا علاقہ مانہ رہن آلا لوکاں نانہ تیز بارش غے دوران احتیاط برتن غو مشورو دتو ہے۔

Women's Cricket

کالسریاں غا ایشیا کپ ٹی 20 میچ مانہ بھارت غی کالسریاں غی ٹیم نے پاکستان غی کالسریاں غی ٹیم نانہ ہرا دتو ہے۔ دوہنی مانہ کھیڈیا گیا اس مقابلہ مانہ 18.1 اوور مانہ بھارتی گیند بازان نے تمام کھلاڑیاں نانہ آئوٹ کر دتو تے اُنہاں نے صرف 55 دوڑ بنائیں۔ ٹی ٹوائٹی بین القوامی مقابلہ مانہ اج تک غی یہ سب تیں کھٹ گل دوڑ ہیں۔ بھارت غی طرفوں شری چرنی تے پریماروت نے 3/3 تے دیپتی شرما نے 2 وکٹ لیں۔ بھارتی ٹیم نے 55 دوڑاں غو بدف صرف 8.4 اوراں مانہ 3 کھلاڑیاں غا نقصان ور حاصل کر لیو۔

اس غے نال ہی خبراں غو یوہ بلیٹن ختم ہوئو۔
